

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650
Fax: 035/668 672
Broj: 02-45-349/23

A. Izetbegovića 60-2. 75246 Čelić
E-mail: info@opcinacelic.ba

Čelić, 02.03.2023. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22) i člana 39. Statuta Općine Čelić („Službeni glasnik Općine Čelić“ broj: 3/17), na Preporuku Komisije za nabavku broj: 02-45-349/23 od 02.03.2023.godine, u postupku javne nabavke radova “Rušenje vatrogasnog doma MZ Brnjik, općina Čelić”, Općinski načelnik donosi:

O D L U K U
o izboru najpovoljnijeg ponuđača

Član 1.

Prihvata se Preporuka Komisije za javnu nabavku broj: 02-45-349/23 od 02.03.2023.godine i Ugovor o izvođenju radova “Rušenje vatrogasnog doma MZ Brnjik, općina Čelić”, dodjeljuje se ponuđaču d.o.o. „Papilon“ Koraj-Čelić, ponuda broj: 8/23, zaprimljena na protokol ugovornog organa dana 24.02.2023.godine, po ponuđenoj cijeni, a nakon održane e-aukcije, u iznosu od 6.993,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 3.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14 i 59/22), istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o Ź e n j e

Postupak javne nabavke pokrenut je Odlukom o pokretanju postupka javne nabavke broj: 02-45-349/23 od 01.02.2023.godine. Javna nabavka radova “Rušenje vatrogasnog doma MZ Brnjik, općina Čelić” provedena je putem otvorenog postupka. Procijenjena vrijednost javne nabavke iznosila je 9.000,00 KM bez PDV-a. Obavještenje o nabavci broj: 306-1-3-6-3-12/23 objavljeno je na Portalu javnih nabavki dana 03.02.2023.godine.

Komisija za javne nabavke imenovana Rješenjem broj: 02-45-349/23 od 01.02.2023.godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14 i 59/22), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-349/23 od 24.02.2023.godine, Preporuku o izboru najpovoljnijeg ponuđača broj: 02-45-

349/23 od 02.03.2023.godine i Izvještaj o radu komisije broj: 02-45-349/23 od 02.03.2023.godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno četiri ponude i to: d.o.o. „ASA COP“ Čelić, „Sigma komerc“ d.o.o. Šamac, d.o.o. „4MA“ Čelić i d.o.o. „Papilon“ Koraj-Čelić,
- da su blagovremeno primljene četiri ponude,
- da nije bilo neblagovremeno primljenih ponuda,
- da je ponuda ponuđača d.o.o. „ASA COP“ Čelić ocijenjena kao nepravilna te je odbačena,
- da ponude ponuđača „Sigma komerc“ d.o.o. Šamac, d.o.o. „4MA“ Čelić i d.o.o. „Papilon“ Koraj-Čelić ispunjavaju kvalifikacione uslove predviđene Tenderskom dokumentacijom, te su ocijenjene kao prihvatljive.

Pregledom i ocjenom ponuda nisu uočene računске greške kod ponuđača.

Pregledom i ocjenom ponuda utvrđeno je da ponuda ponuđača d.o.o. „ASA COP“ Čelić nije dostavljena u skladu sa tačkom 4.1. Tenderske dokumentacije. Naime, Tačkom 4.1. Tenderske dokumentacije određeno je, između ostalog i sljedeće: Stranice ponude se označavaju brojem na način da je vidljiv redni broj stranice. Ponuđač u svojoj ponudi broj: 1 od 22.02.2023.godine nije označio stranice na način određen tenderskom dokumentacijom. Članom 8. stav (6) i (7) Uputstva za pripremu modela tenderske dokumentacije i ponuda („Službeni glasnik BiH“; br. 90/14, 20/15) propisano je kako slijedi: (6) Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio (...) - (7) Izuzetno od stava (6) ovog člana, ponuda neće biti odbačena ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i TD. Članom 57. stav (1) Zakona o javnim nabavkama („Službeni glasnik BiH“, broj 39/14 i 59/22) propisano je da se u postupku javne nabavke kandidat / ponuđač pridržava zahtjeva i uslova iz tenderske dokumentacije. S tim u vezi, daje se zaključiti da je numerisanje ponuda obavezno, te da ponuđači imaju na dispoziciji dva načina numerisanja: ili svaka stranica ponude, ili listovi ponude. Imajući u vidu da ponuđač nije ispunio obavezujući zahtjev vezan za numerisanje ponuda, Komisija je jednoglasno odlučila da ponuda ponuđača d.o.o. „ASA COP“ Čelić ne ispunjava zahtjeve iz Tenderske dokumentacije, te je ocijenjena kao nepravilna i u skladu s članom 68. stav (4) tačka i) Zakona o javnim nabavkama se odbacuje.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 02.03.2023. godine u 10:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 02.03.2023.godine u 10:12 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponudene cijene, a po kojoj je najpovoljniji ponuđač d.o.o. „Papilon“ Koraj-Čelić sa najnižom cijenom od 6.993,00 KM bez PDV-a.

Komisija je nakon ocjene ponuda i izvršene e-aukcije dana 02.03.2023.godine dala preporuku ugovornom organu da ugovor o izvođenju radova zaključi sa ponuđačem d.o.o. „Papilon“ Koraj-Čelić sa najnižom ponuđenom cijenom od 6.993,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (4x)
2. Komisiji za nabavke
3. Službi za urbanizam, stambeno komunalne, imovinsko-pravne i geodetske poslove
4. Za općinsku web stranicu
5. Evidenciji
6. Arhivi